

海康縣志卷之七

列女志

劉向之傳列女也不一其類而地志所載則節尙
焉夫婦以節見非婦之幸也然其矢志堅貞之死
靡忒淒風苦雨雪枕霜機杼之翠柏蒼松寒不易
葉彼蔓草芳華隨時黃落對之滋愧矣至若其遇
彌窮其節益勵或蹈白刃或赴清流可殺可死而
必不可辱此則猶爲巾幗中之烈士非徒克持門
戶稱健婦者比矣我

海康縣志

卷之七

列女

一

朝崇名教令郡縣並得立節孝之祠所以振起風化者
豈備宜乎山陬海澨鄙屋茅簷聞風而興起爲操
彤管者所不勝書也作列女志

陳

貞孝

陳氏三姑白院村陳琪之女也琪年老無了三女
矢志養親義不適人陳大埜初琪因獵得巨卵值
大雨雷擊破卵一男出焉卽文王琪立以爲嗣三
女以文王非血肉之軀恐難終倚心益堅唐貞觀

閻文王由茂才爲本州刺史政成化去三女亦以
壽終官民咸欽其篤孝合葬於郡西馮村坡題其
墓曰三女同烈

元泰定二年長封貞懿大宜人次
封貞善九宜人三封貞淑五宜人

元

貞烈

王妙璘谷榮女賦性沉靜至元間獠賊寇掠被執
將犯之妙璘罵不受辱賊驅之行遂投水死

周氏朱克彬妻克彬死無子氏慮獨生無所倚遂
死從夫事聞表其閭

海康縣志

卷之七 列女

二

明

貞孝

沈氏二女崇禎間其父母老而無嗣家頗富置田
二庄一在九斗洋東土龍村一在九斗洋西睨姐
村氏姊妹誓不嫁分居管業以供甘旨終養後有
奸人謀娶之使媒誣間其姊妹姊妹互相疑遂各
飲恨而死媒亦悔而自刎鄉族重其孝設主於郡
城之天寧寺以氏父母絕產田九頃有奇益入之
永爲氏香燈之費

莊氏吳金童妻吳世居邑之荇洲里成化間猺賊劫掠鄉邑人民饑饉有新會縣民劉銘梁狗同賣穀海康舟將還吳祠與其弟金童携家避寇附銘舟至新會止於銘家莊年二十二有麗色銘屢挑之莊不從銘與狗謀曰婦水性耳所不即從者以夫在也蓋斥諸時吳祠傭工於外九月初八日銘與狗駕船一隻假以出海捕魚拉金童同行至三更二人縲金童斫其腦撲殺投尸江中時江濱民

關道安聞金童叫呼欲救不果銘歸佯語莊氏爾夫風急溺死莊不信強犯莊氏莊氏拒益力號天呼哭難獲夫尸十五日金童身軀浮銘門莊用汲識爲夫尸視之斫痕藤縛宛然知銘與狗謀死狀號哭間力不能報乃自梳洗抱三歲幼女至江邊先投女於水即扶夫尸投水而死三尸隨潮上下旋遶銘門隣人李逢春買棺收葬銘夜發其尸棄之大海吳祠自外歸得弟尸於海濱乃訴於官儒生李啟李蕃關道安等爭述莊氏節義事并士人

弔哭詩章上之遂捕劉銘梁狗於獄訊實吐伏審
錄員外卽馮俊特爲具奏誅銘狗梟首示衆旌表
莊氏刑部尙書陸瑜奏李逢春等收葬三尸誠爲
義舉今遭發掘宜命有司卽其處窆之立石書其
夫媪姓名以誌永从詔可乃建祠於新會之南門
名貞烈祠陳獻章詩云節婦有此廟千年亦不磨
世方逐蔡炎吾甚敬曹娥
淫盜死殊色良人歿逝波江翻練裙帶激烈有遺
歌盜賊輕人命綱常殺此軀也能作厲鬼不問
葬江魚骨肉他鄉盡英靈此廟仍行原籍一體表
居乾坤不朽事持以報君夫
揚至嘉靖丙戌知府楊表復建亭於阜民橋南立

海康縣志

卷之七

列女

四

碑紀之士大夫咸有詩以輓

何氏生員吳仕价妻年二十一价死哀毀瘠立食
貧守志誓不再醮垂十餘年無間富民黃文寬囑
媒奪其守誣訟於縣此赴縣門拙刃自刎而死海
北南道許孚遠憫其烈旌之



陳氏林顯妻顯亡時氏年二十守志不渝事舅姑
以孝聞洪武二十一年旌其閭

黃氏鄧九成妻年二十四歸九成踰年九成死遺

腹生一子曰堅節事姑至孝育子俛之成立人無
間言洪武二十三年郡守呂智上聞賜旌之
李氏僉憲璿女妻於本邑知縣張昊子履生一子
週歲而履卒時李年二十五奉姑鬻子誓不再嫁
成化初郡羅兵火時輒饑窘李紡績供贍節操不
移輿論嘉之

饒氏舉人符玘妻年二十四而玘故生一子曰孟
夔誓無他志事姑教子惟謹平生無疾言厲色提
學趙瑤旌其門

馮氏通判世華女適生員孫蘭年二十夫死生一
子曰繼宗舅鑑以事累家耗業盡馮勤女工以贍
舅養備歷艱苦節操益勵舅故葬祭以禮非婚喪
大事不出閫門年六十一按院劉會督學陳鳴華
俱給匾帛旌之

朱氏羅端妻年二十生一子而夫亡性寡言日夜
惟事紡績不窺戶外者四十餘年成化間郡守黃
瑜跡其實以表聞後郡守魏瀚刻石命其子彥鄉
豎諸門以褒之

陳氏吳鑑妻年二十二而鑑故遺腹一子曰威時避寇於城甕殮莫繼每有食必先舅姑而已後之攻苦無二志寇平還家節操靡渝年八十卒何氏廩生陳時雨妻生男治紀閱月而夫故時年二十二姑老子弱貧苦無依矢志孀居紡績以給奉姑育子始終靡玷姑歿典衣殯葬按院潘季馴蔡吉連旌其門

李氏吳一夔妻大學生璘女歸二載而一夔故李年二十遺腹舉一男啟東誓無他志勤紡以奉舅

姑雖至親罕見其而舅姑亡哀毀骨立典衣殯葬親自築墳觀者無不感泣嘉靖四十三年御史陳督學樊坊表其閭卒年六十五

馮氏舉人張德妻年二十四孀居守節事姑訓子始終靡玷兩學請表其閭

唐氏陳一魁妻年二十夫故無子孀居守節哀毀骨立祖姑何姑楊相繼寡居垂老食貧唐紡績以供比兩姑故典衣葬祭如一撫按匾書節孝旌之月給米帛以資其養

李氏生員黃組妻年二十一孀居哀毀矢志無二
雖寒暑坐卧不離夫棺育子以至有孫撫之成立
始終一節年七十七終

陳氏典儀吳啟東妻監生廷璋女年十九適啟東
越六載而啟東故有子兆元兆亨熒熒在襁陳矢
志苦節織紝度日子長雋於庠母教也孝事寡姑
及終葬祭以禮三世祖柩典衣鬻珥以殯之始終
完節姑先以節孝旌陳氏繼之御史劉會督學陳
鳴華俱給匾以旌其閭

海康縣志

卷之七 列女

七

曹氏陳爵妻年十九爵故孀居熒守績維以度有
遺腹子哀撫成立節操至老不渝兩臺匾旌之
顧氏廕襲指揮孫英妻也年二十一夫喪無子哀
毀成疾事舅姑孝謹身以官賊逮於獄顧罄產奩
脫簪完之甘貧茹淡秉節靡移年六十一終當事
匾節孝以旌之

林氏周諮妻生男昌運甫四月而諮故氏年二十
二矢志守節翁亡事繼姑盡孝足不越閭外妯娌
之間藹如也撫昌運成長且訓勉之昌運事母惟

謹列名庠序以冠帶侍養萬歷十八年按院劉給匾帛獎之

林氏曹璟妻年十七適璟生男正紀年二十三而璟卒氏甘貧守節誓死不嫁舅姑卒紡績以殯撫其孤俾之成立數十餘年幽貞無玷萬歷二十九年軍門戴燿御史李時華督學袁茂英前後給匾旌之終年八十有二

陳氏許廷秀妻生子顯宗甫五月而廷秀亡陳年二十誓不再適事孀姑譚氏孝謹撫顯宗長娶李

海康縣志

卷之七 列女

八

氏生孫希孔七歲而顯宗亡陳又撫希孔長娶朱氏生曾孫上進至長有聲黌序三世伶仃竟昌其祚陳之力也卒年九十府縣屢褒之

曹氏泉之女陳奭媳也先是奭娶黃氏生男堯道三歲而奭亡黃氏守節撫堯道聘曹爲之配將親迎而堯道卒曹年十八步行至陳家守喪誓不他適養祖事姑勤謹終身如一姑媳雙節監司府縣屢加獎勵

王氏唐輝妻年二十輝故孀居撫二女紡績爲生

靡他之志久而彌勵萬歷十九年按院旌表之歲給粟帛壽七十七終生員唐鑛唐鳳儀其姪也

石氏鄧大純妻年二十夫亡守志撫遺孤事繼姑晨昏無間崇禎間按院蔡寶題請旌表

卓氏莫二祖母早寡無嗣守節不渝莫二其繼孫也兩院題建坊表

林氏何均妻年二十二均故輒欲從夫地下親族百計諭之哀毀幾絕卒矢志育孤以有成立壽八十二終御史王業浩給匾旌其門

海康縣志

卷之七

列女

九

國朝

貞節 謹案會典則例開載軍民妻妾自三十歲以內守節至五十歲以上或四十歲而歿守節已逾十五年以上者並准旌表烈婦烈女孝婦孝女均不限年歲今遵之

關氏陳尙璉妻年二十三尙璉故家貧無子苦節自守撫夫弟之子爲嗣卒年六十一雍正元年旌表

莫氏橋頭村歲貢生鄧一桂妻生四子年二十九一桂故矢志育子長恒山舉人次璧山附貢生三

華山四荆山俱監生雍正十年旌表卒年八十陳氏辜禹惠妻年二十三禹惠故守節事姑一子

逢堯庠生氏卒年八十三雍正十一年旌表

關氏內巷村林日旺聘妻日旺故時氏年十八奔喪守節未幾翁以病終有姑痿痺勤事罔倦越二
年姑又亡時夫弟尙幼氏撫養成家生一姪夫弟
又亡氏撫姪爲己子卒年五十九乾隆七年旌表
吳氏義安村授職州同宋繼統妻年二十六繼統
故堅節自持事舅及繼姑色養無間有子一乾隆
十二年旌表

鄧氏塘邊村廩生李壯觀妻年二十八壯觀故守

節事姑撫夫弟子庠生振宏爲子振宏娶吳氏甫
闔月而卒吳氏年十九矢志與氏同氏復嗣夫兒
子監生檢宏亦先氏卒遺孫三以其一爲吳氏子
姑媳相依一門雙節鄧卒年八十吳卒年五十乾
隆十四年同旌表

蔡氏祿切村廩生王臨軒妻年二十三臨軒故堅
持苦節謹事翁姑善養繼子乾隆十五年旌表
符氏雲路村陳陽階妻年二十生子甫三月而陽
階故事病姑色養無倦姑亡喪葬旣畢又爲夫弟

完娶未幾夫弟又亡撫姪如子子星輝監生乾隆三十八年旌表

丁氏淡水村監生陳廷位妻年二十四廷位故一子名文淵貢生氏守節事翁姑卒年六十七文淵妻莫氏年二十三而淵故撫夫族弟拔貢元武之子潛卽用縣主簿爲文淵後氏卒年六十五丁氏乾隆三十八年旌表莫氏乾隆六十年旌表

莫氏北勞村黃子昌妻年二十一子昌故家貧無子勵志孀居食常茹素尤善事衰姑勤女紅以易甘旨姑卒氏飲毒以殉家人奔救之而甦卒年五十一嘉慶十四年旌表

丁氏林大羣村監生朱履賜妻年二十四履賜故守節事翁姑教孤子子廷彬例貢生乾隆五十三年旌表現年八十四

翁氏淡水村陳懷清妻年二十五懷清故恪事翁姑孀居謹肅子觀文選用從九品觀翰監生嘉慶十五年旌表現年五十四

陳氏莫唐村黃正中妻年二十二而寡以孀堂姪

爲後嘉慶十二年旌表現年五十六

鄧氏南田村授職州同陳昌祉妻封安人生一子氏年二十二而昌祉故矢志孀居事寡姑撫稚子迨所生子殤撫夫弟之長子爲已子子君謀試用訓導署新會縣感恩縣教諭氏現年六十四嘉慶十三年旌表署縣周學醇給匾曰南國女宗

陳氏調和村雙月中書科中書鄧起龍妻年二十九夫故氏清操自矢事姑鞠子子丕烈分發縣丞氏現年六十三嘉慶十五旌表其妾方氏年二十

五而寡無男守節現年五十九嘉慶十七年旌表林氏蔭扶吳處村吳英迺妻年二十四而英迺故茹苦癯居子聖紹任潮州豐順營守備學使孫人龍贈匾曰節壽芳模知府黃錚贈匾曰坤德常寧卒年九十六

謝氏禪妙村監生黃淑歐妻年二十八淑歐故無子以夫弟之子采良繼之娶媳王氏生孫三而采良又卒謝賴王孝養其季孫炯焯娶鄭氏生一子年二十八而炯焯故鄭亦勵志自守謝卒年八十

一鄭卒年四十八

陳氏那宛村吳世醇妻生二子氏年二十四醇故家貧守節取給紡績卒年五十六

陳氏郡東門外監生謝書藩妻年二十一書藩故無子氏守節奉養翁姑以夫兄次子爲嗣卒年七
蔡氏郡東門外謝文繡妻生一子而文繡故氏年二十五家貧堅守其子魁娶黃氏生孫炳而魁又故黃年二十九與姑同守炳廩生蔡氏卒年七十六黃氏卒年七十八

海康縣志

卷之七

列女

三

宋氏兆馬村陳典伍妻年二十七典伍亡守節事姑始終惟謹卒年五十五

陳氏胡村宋定申妻年二十定申故守節不渝卒年六十五

莫氏官塘村唐宏奎妻年二十五宏奎故守節事姑一子大成貢生卒年六十七

梁氏官塘村唐帝封妻年二十四帝封故家貧孀守卒年九十六

劉氏安攬村王景華妻年二十八景華故家貧子

稚苦節自持卒年八十二

陳氏深泥村劉善良妻年二十六善良故守節撫孤卒年四十四

林氏鯉魚肚村紀經繡妻年三十經繡故守節教子卒年八十四

吳氏上坡村譚經綸妻年二十二經綸故堅持勁節卒年五十

吳氏淡水村監生陳白顯妻年二十八自顯故孀守事姑子二長啟秀例貢生次元武拔貢生氏卒

海康縣志

卷之七

列女

十四

年四十六

顏氏邁蘆村陳德桂妻年二十一德桂故遺腹一子矢志撫孤辛勤操作卒年六十七

吳氏九江村陳家位妻年二十家位故遺腹一子氏守節事翁姑撫孤子卒年五十四

陳氏長壽山村深奇材妻年二十四奇材故苦節不移子衍誠監生氏卒年六十五

曾氏官塘村唐大烈妻年二十六夫烈故勵志孀居恩勤鬻子卒年七十二

曹氏淡水村陳自炳妻年二十八自炳故無子矢志事姑立族姪爲嗣卒年七十

陳氏草畜村柯甲第妻年二十四甲第故無子家貧守節事翁姑撫姪爲嗣卒年八十三

李氏上坡村黃秉禮妻年二十九秉禮故家貧守節事翁姑紡績以供甘旨撫夫弟之子爲後卒年六十一

吳氏肇攬村卓冠英妻年二十七冠英故守節子莊正監生氏卒年六十六

李氏安攬村王尙禮妻年二十六尙禮故守節事翁姑撫孤子卒年八十八

梁氏淡水村陳予則妻年二十四予則故苦節養姑二子長天無嗣次屢貽氏憂乃立族孫爲長子嗣與媳曹氏相依紡績營生卒年八十七

梁氏雲路村陳虞道妻年二十八虞道故無子撫姪爲嗣守節事翁姑卒年八十二

何氏南頭村陳鴻勇妻年二十二鴻勇故守節撫孤卒年五十二

黃氏足附生陳宜之妻年二十二宜之故遺男一
矢志孀守教育孤兒卒年五十八

蔡氏大橋村附生陳以道妻年三十二以道故守
節撫孤卒年八十三

鄭氏蘇演村陳玉勝妻年二十八玉勝故矢志孀
守子二卒年七十一

謝氏南田村贈承德郎郡增生陳游書妻封太安
人年二十九夫亡貞操自矢閨門謹飭事舅姑則
婦能代子撫孤露則母以兼師臧獲是慈親鄰加

海康縣志

卷之七

列女

六

恤長子昌祉職授州同次子昌祐授職縣丞氏卒
年七十

宋氏郡東門外許國裔妻年二十五國裔故家貧
孀守卒年八十三

楊氏祿切村王意交妻年二十四意交故矢志侍
養翁姑子二次旋乾庠生氏卒年七十三

蘇氏后朗村林青猗妻年二十七青猗故遺子二
氏仰事俯育辛勤備至卒年七十

吳氏新溝村武生陳科秀妻年三十科秀故一子

甫周歲氏矢志孀居事翁姑及繼姑惟謹翁姑歿後家貧如洗辛勤儉積爲子完娶乃年踰五旬而卒子亦隨亡遂致無後聞者咸嘆息焉

李氏東倉村陳有德妻年三十有德故甘貧守節子一卒年六十

吳氏宋排村孫有香妻年二十六有香故一子甫七月守節事翁姑卒年五十一

符氏新村關世茂妻年二十九世茂故家貧守節子二氏卒年四十九

劉氏西田村葉丕達妻年二十二丕達故茹苦孀居事舅姑養孤子卒年四十六

陳氏郡東門外謝書貫妻年二十九書貫故矢志自守事孤教子長子爾庸歲貢生次子爾定監生氏卒年八十三

陳氏郡城內李遇春妻年二十二遇春故遺腹一子家貧如洗守節撫孤卒年六十六

蔡氏南頭村陳鴻章妻年二十鴻章故無子撫姪爲後紡績自給卒年七十六

黃氏北堀村楊朝俊妻年二十三朝俊故勵志孀
守卒年七十四

莫氏厚祿村鄧振朝妻年二十八振朝故守節不
渝卒年七十六

倪氏南田村陳泗書妻生一男年二十三而夫故
氏孀居謹肅卒年七十一

周氏符村宋建中妻年二十四建中故矢志孀守
卒年五十四

李氏水槽尾村周廣學妻年二十三夫亡守節終

海康縣志

卷之七

列女

六

養翁姑卒年七十

袁氏邁坦村梁有惺妻年二十五有惺故守節事
繼姑貞操克勵子一氏卒年六十三

廖氏草朗村庠生吳放世妻年二十五放世故遺
一子族中有欺氏子稗圖產藉端告言者氏抱子
對訊知縣趙憐其節直之爲名其子曰兆登祝
其成名也氏卒年八十二

柯氏華亭村授職州同杜大千妻年二十八大千
故氏守節事翁姑惟謹卒年四十三

謝氏華亭村杜朝佐妻年二十三朝佐故勵志孀
守終專寡姑卒年七十二

劉氏博懷村鄧德峻妻年二十四德峻故無子撫
夫弟之子爲嗣守節謹事翁姑卒年四十六

符氏英咸村林維標妻年二十四維標故苦節育
子卒年七十五

謝氏博懷村鄧奇榮妻年二十六奇榮故氏食貧
撫子不易貞操卒年六十四

陳氏深泥村楊鎮佑妻年二十九鎮佑故家貧守

節侍養耄姑子一氏卒年七十一

蔡氏扶柳村柯霖滋繼妻年二十二霖滋故前妻
所遺一子氏殷勤鞠育始終無間卒年六十六

陳氏下坑何處村生員何慶虎妻年二十八慶虎
故無子氏孀居苦節謹事翁姑撫姪爲夫後卒年

六十六

王氏許產村吳振勇妻年二十一振勇故守節無
子卒年四十四

趙氏蕭家村蕭逢懿妻年二十四逢懿故家貧守

節久而彌勵卒年八十六

卓氏黎陳村陳元拔妻年二十三元拔故勵志孀
守卒年七十一

馮氏泰坡村陳鴻智妻年二十二鴻智故一子名
聖典氏貞操自勵迨聖典娶婦曾氏而聖典又故
曾氏年二十四亦矢志守節撫遺腹男監生賡喜
馮卒年六十七曾卒年七十三

陳氏杜陵村吳旭旦妻年二十五旭旦故無子守
節以姪監生文峻爲夫後卒年八十

海康縣志

卷之七

列女

三

劉氏東井村楊時茂妻生子二年二十四時茂故
家貧紡績以撫遺孤卒年六十九

陳氏東井村周振鐸妻年二十三振鐸故甘貧守
節子一卒年六十八

孫氏扶柳村柯元杓妻生子氏年二十五元杓
故守節辟纊織布以度日卒年七十六

蔡氏仙脉村林景妻年二十二景故家貧守節撫
養孤子卒年六十六

呂氏水標村蔡永軒妻生一子年二十二永軒故

堅守節操以撫穉子卒年七十三

黃氏和奠村莫炳貴妻年二十一夫亡無子貞操自勵卒年六十一

周氏東林村林上卿妻年二十四上卿故孀居守節事翁姑益繼姑克盡婦道子二次毓秀監生氏卒年七十

吳氏后灣村劉尙德妻生一子尙德故氏年二十六堅節自矢卒年七十三

吳氏蕭家村黃文亮妻年二十二文亮故遺腹一

海康縣志

卷之七 列女

三

子氏甘貧守節卒年七十九

吳氏水標村蔡世瓊妻子一年二十四世瓊故勵志孀居卒年七十四

吳氏南山村易文智妻生一子文智故氏年二十九年守節撫孤卒年六十八

吳氏三合村蔡雲山妻年二十五雲山故孀居苦節子居龍監生氏卒年八十一

蔡氏后坑村林之椿妻年二十九之椿故守節侍養翁姑子一氏卒年五十四

呂氏高水村陳國瑞妻年二十七國瑞故食貧事
姑子二長朝伯庠生氏卒年八十一

陳氏卜策村曹淑璋妻年二十二淑璋故矢志孀
守終養舅姑子拔萃監生氏卒年七十

莫氏武曲村吳士進妻年二十四士進故矢志守
節卒年八十六

歐氏赤步村陳重華妻年二十九重華故勤勞紡
績撫養孤兒卒年九十六

符氏賴吳村吳昌伯妻年二十七昌伯故茹苦守

節事姑孝謹卒年五十一

何氏杜陵村吳陳平妻年二十一陳平故甘貧守
節終養翁姑子一氏卒年八十九

陳氏博懷村鄧郁斐妻生一子年二十四郁斐故
茹苦守節卒年七十六

陳氏北營村黃世艷妻年二十七夫亡守節無子
卒年七十

胡氏西村蔡錫豫妻年二十一夫亡守節事哀姑
撫孤子卒年五十九

黃氏深泥村蔡鍾靈妻年二十三鍾靈故遺腹一子矢志孀居撫孤成立卒年七十四

陳氏深泥村蔡日華妻年二十二日華故家貧子穉翁姑垂老紡績供給比翁姑亡殯葬盡禮卒年六十四

羅氏博懷村鄧名揚妻年二十六名揚故氏孝事翁姑織紉供給子一氏卒年五十一

郭氏白霧村王維勤妻年二十六維勤故守節事繼姑子一氏卒年四十八

海康縣志

卷之七

列女

三

曾氏柑坡村陳啟資妻年二十三啟資故守節事翁姑子二長中監生次誠庠生氏卒年六十三

李氏方家村楊其傑妻年二十八其傑故辛勤紡績以事翁姑以養孤兒卒年七十九

金氏南田村陳津書妻年二十七夫亡守節子二氏卒年七十二

符氏南田村陳昌統妻生一子年二十四夫亡守節撫孤卒年六十五

薛氏東樓村洗欽記妻年二十三欽記故無子氏

目貧守節孝養翁姑卒年六十五

魏氏赤土尾村曹鴻儒妻年二十七夫亡守節卒年六十八

吳氏白院村陳廷贈妻一子年二十七廷贈故守節撫孤卒年七十九

黃氏夏井村陳必茂妻年二十三必茂故食貧守節敬事翁姑撫夫弟子爲嗣卒年五十八

王氏壹年村陳大任妻年二十六夫任故守節子一氏卒年六十九

海康縣志

卷之七

列女

三

方氏壹年村陳大棟妻年二十五夫棟故清操白守子一氏卒年四十七

陳氏東園村廩生黃元妻年二十八元故無子茹苦孀居卒年四十六

麥氏夏井村陳學泗妻年二十二學泗故出男一守節事姑撫育稚子卒年四十三

鄧氏夏井村陳元士妻年二十四元士故出男二矢志孀居撫養教訓卒年四十一

林氏拔龍村非王鴻統妻年二十四鴻統故家貧守

節子一氏卒年七十二

歐氏題橋村宋申秀妻年二十四申秀故自守堅節事翁姑撫穉子卒年七十四

鍾氏時禮村蔡學源妻年二十八學源故守節撫孤紡績以給卒年七十七

梁氏調銘村丁振章繼妻年二十一振章故無所出守節事姑撫養前子至年四十餘前子卒與媳共撫孤孫息勤備至卒年六十六

黃氏調銘村丁日新妻年二十二日新故家貧守節養親恤孤不辭勞瘁卒年六十八

曹氏調銘村丁執中妻年二十八執中故養猶子爲夫後迫爲子娶媳而子媳又相繼而亡氏復養孤孫備嘗辛苦卒年八十九

吳氏調銘村丁珪璨妻年二十六珪璨故家貧事耄姑訓穉子卒年四十一

程氏那宛村吳世芳妻年二十世芳故遺腹一子家貧備作女工奉親育子卒年七十五

羅氏扶柳村宋中正妻年二十九中正故苦節撫

孤子交炳例貢生卒年七十二

林氏扶柳村宋廷卿妻年二十五廷卿故守節事翁姑子王賓卽用從九品氏卒年六十六

黎氏扶柳村宋中賢妻年二十二中賢故守節孝養翁姑子文耀授職縣丞氏卒年七十六

吳氏蕭家村黃元輔妻年二十四元輔故食貧撫孤卒年六十五

譚氏山后村陳垂琇妻年二十四垂琇亡守節卒年八十六

海康縣志

卷之七

列女

三

陳氏下尾村丁秉禮妻年二十八秉禮亡守節事姑始終無間卒年七十二

陳氏里仁村監生程名士妻生子二年二十四名士故氏侍養舅姑貞操不易次子希賢監生氏卒年七十

柯氏林大羣村吳承經妻年二十一承經亡氏事姑育子貧苦萬狀堅持勁節歷二十餘年而卒

王氏尾田村吳英華妻生一子英華故氏年二十五事翁姑撫孤兒並携養夫兄子完娶分產如一

卒年九十

林氏尾田村吳振東妻年二十四振東故守節事翁姑子一氏卒年六十

鄧氏株含橋東村陳兆鳶妻年二十九兆鳶故遺腹一子食貧紡績事姑育子卒年七十八

符氏大橋村監生陳以常妻生一子年二十三以常故勵志守節撫孤成大卒年七十

黃氏齋堂西村周聯俊妻年二十七聯俊故無子守節卒年八十七

海康縣志

卷之七

列女

二十七

丁氏山尾村林實柏妻年二十六實柏故無子矢志侍養撫姪爲夫後卒年四十二

袁氏山尾村林實臧妻年二十四生一子實臧故甘貧撫孤卒年五十七

鄧氏東角村楊遠奇妻年二十七夫亡守節卒年七十六

黃氏大埔西村陳廷槐妻年二十八廷槐故家貧苦節事姑育子卒年八十五

陳氏郡南城外何毓靈妻刑部主事陳居隆次女

年二十五夫亡遺二子辛勤撫字至於長成卒年七十

張氏坑口村陳平章妻年二十七夫亡生一子守節撫孤卒年六十二

王氏游則齊妻年二十四夫亡無子撫夫兄子爲嗣家貧紡績以贍卒年七十九

王氏郡城西關外李承德妻年二十七承德故勵志孀居卒年七十三

柯氏麻亭村符威雄妾生一子年二十七夫亡守

海康縣志

卷之七

列女

三

節不淪卒年四十八

蔡氏木棉頭村黃維任妻生子二年三十夫故守

節撫孤卒年八十一

蔡氏蘇樓巷庠生陳範妻年二十三範故無子守

節事翁姑卒年四十三

陳氏杜陵村吳鴻猷妻年二十六夫亡守節卒年

五十二

鄧氏單鹿村吳國楨妻年二十夫亡守節子如岐

附生氏卒年七十二

蘇氏象尾村賴振德妻年二十二夫亡守節卒年六十三

吳氏西岸村陳天珠妻生子一年二十二夫亡守節卒年七十九

鍾氏杜陵村監生吳陳洪妻生子三年三十陳洪故甘貧守節奉事翁姑季子文乾隆丁酉科舉人氏卒年八十三

符氏上坡村譚上位妻年二十二上位故矢志孀守孝養翁姑卒年七十三

海康縣志

卷之七 列女

三九

林氏調銘村丁國華妻年三十國華故辛勤紡績訓撫孤子卒年五十五

陳氏調銘村丁國欽妻年三十夫亡守節卒年七十二

楊氏扶柳村柯天祿妻生一子天祿故年二十四矢志守節謹事翁姑子桂姿監生氏卒年八十一
陳氏義安村貢生宋衍宗妻年二十衍宗故守節撫孤子熊授職布政司理問氏卒年四十九

方氏塘尾村王國賓妻年二十二國賓故無子守

節孝事翁姑撫夫兄子爲嗣卒年六十一

譚氏調嶺村葉天明妻年二十二夫亡守節子春球娶黃氏年二十四春球故黃與姑同守譚卒年七十三黃卒年五十二

曹氏連村劉師仁妻年二十六師仁故遺腹一子氏守節撫育事舅與繼姑惟謹子有聲庠生氏卒年六十五

陳氏符家村庠生符承泰妻年二十一承泰故矢志事姑子一氏卒年六十八

陳氏官塘村黃大清妻年二十二大清故子一甫七月氏守節事親息勤鬻子卒年六十七

莫氏符村宋叔載妻年二十九叔載亡守節事翁姑卒年六十

蔡氏邁坦村梁岷妻年二十二岷故一子有麟氏食貧撫養越十四年有麟復故寡居無依其節益勵卒年六十六

余氏邁坦村梁嶽妻年二十八嶽故一子甫閱月氏守節撫育卒年四十四

廖氏佃儻村武生林雲初妻年二十三雲初故守節鞠育一子冠震監生氏卒年五十二

楊氏佃儻村生員林暢曬妻年二十五暢曬卒子二辛勤訓督子雲漢武舉氏卒年七十六

吳氏南勞村劉仲達妻年三十仲達故勵志守節子一氏卒年七十七

黃氏風樹村符以誼妻年二十二以誼故守節事翁姑訓孤子卒年五十七

于氏北村蔡世淑妻年二十二世淑故守節事親

子元孚監生氏卒年七十

吳氏官村柯其聖妻年二十其聖故遺腹一子守節撫養卒年七十八

陳氏黎郭村莫世英妻年二十九世英故守節事姑卒年五十五

唐氏水美村李日蔚妻年二十八日蔚故勵志孀守子得志監生卒年五十九

陳氏水美村李上國妻年二十七上國故無子姑皆孀居侍養無懈卒年五十二

何氏符家上村符世英妻年二十七世英故守節事翁姑子一氏卒年五十七

陳氏官慕村王經邦妻年二十五經邦故遺二子食貧孀守卒年六十五

李氏會田村符雲機妻年二十六雲機故遺腹一子矢志侍養撫孤長成卒年七十三

劉氏邁風村監生吳國清妻年二十七國清故孀守子三氏卒年八十四

陳氏郡城內黃秉義妻年三十秉義故氏守節事

翁姑子文彩監生氏卒年六十四

盧氏郡城內黃敦篤妻年二十九敦篤故茹苦守節卒年八十九

陳氏崩塘村李朝幹妻年二十一夫亡守節卒年五十一

李氏北坑村陳上世妻年二十三夫亡守節卒年七十三

陳氏平步村吳瑄王妻生三子年二十九瑄王故守節季子伯興庠生卒年八十一

朱氏鰲感村官豪妻年二十五夫故守節子式寵
監生氏卒年八十一

梁氏鰲感村官之俊妻生二子年二十三之俊故
家貧守節敬事舅姑後衣食稍羨推贍夫弟之貧
乏著人稱孝慈卒年八十四

吳氏淘

汝村
岸七

黃孟楠繼妻年二十九孟楠故無子

守節謹事翁姑養從姪爲嗣尋又故遺穉孫撫養
長成卒年六十八

陳氏潮陽東村莫體寬妻生一子夫亡氏年二十

海康縣志

卷之七

列女

三

七家貧守節奉養孀姑卒年六十七

李氏昌文村吳景邦妻生一子年二十七景邦故
守節足不踰閭卒年六十九

朱氏口刀村陳玉瓚妻年二十二夫故無子守節
事翁姑辛勤奉養卒年四十三

陳氏英嶺村廖必榮妻生一子年二十四必榮故
守節字孤卒年八十一

何氏英嶺村廖世容妻生一子年二十六世容故
守節撫孤卒年五十一

黃氏足榮村庠士陳斯掀妻年二十七斯掀故矢
志孀守子鍾英監生卒年六十五

陳氏邁炭村吳藩妻年二十五藩故守節事繼姑
撫孤子子作邦監生氏卒年七十六

鍾氏調黎村官河妻年十九官河亡遺腹一子家
貧守節以婦工自給卒年五十八

黎氏龍屋村吳智儒妻年二十四夫亡無子家貧
氏矢志侍養始終無懈卒年七十六

吳氏殿城村邱嘉禾妻年二十七嘉禾故節操自
勵撫育孤子卒年七十一

官氏那襖村增生梁元幹妻年二十五元幹亡矢
志孀守慇懃訓子子拔魁廩生氏卒年七十五

鄧氏大房村監生陳于翰妻年二十二于翰故守
節侍養子著紳貢生卒年五十五

陳氏潭斗村李遠喬妻年二十九夫亡無子以從
姪爲夫後家貧無倚節操不渝卒年五十三

黃氏祿切村王化寬妻年二十四化寬故有子一
孀守撫孤卒年七十六

周氏南關外陳元福妻年二十八元福故矢志孀居子一卒年七十

趙氏土圍頭村鄭日盛妻年二十四日盛故家貧守節紡績以給饗殮卒年八十九

蔡氏坑頭村李文郁妻年二十二夫亡孀守以夫兄子爲嗣卒年六十

程氏英頡村翟鍾妻生子二氏年二十四夫故守節卒年五十八

金氏沙園村王成基妻年二十一夫故遺腹子夢齡守節撫孤卒年七十二

莊氏內巷村黎介球妻年二十七夫亡勵志孀守子名策監生氏卒年七十六

蔡氏高橋村黃朝元妻年二十九朝元故一子建勳氏守節撫育及建勳娶梁氏生二子而建勳亡梁年三十事姑育子貞操不易蔡氏卒年九十梁氏現年六十五

王氏九斗泮西村黃建廷妻年二十四建廷故家貧守節撫育孤子卒年六十一

劉氏博禮村王國棟妻年二十六國棟故守節事
祖姑子二卒年五十四

陳氏那宛村吳紹國妻生子一紹國亡氏年二十
五勵志永霜事寡姑惟謹卒年七十九

方氏劉漢祖妻年二十三夫亡守節子一卒年六
十八

陳氏山內村卽用衛千總蔡有沂妻年二十六有
沂故事祖舅及寡姑孝謹子景茂授職縣主簿卒
年六十一

劉氏九江村鄒士俊妻年二十八夫亡守節卒年
五十六

周氏拔龍井古村王佐才妻年二十六夫亡守節
子一卒年四十八

黃氏林青旺妻年二十五夫亡守節爲夫立繼卒
年五十二

翁氏南頭村陳國梁妻年二十國梁故家貧無子
氏辛苦操作以養老姑卒年五十五

陳氏高橋村潘廣泗妻年三十夫亡食貧孀守慎

事翁姑子三卒年六十四

王氏山頭村陳國昌妻年二十八夫故守節事翁子一卒年五十八

林氏龍頭村陳其賢妻年二十九而寡一子卒年四十七

林氏王排村王之輔妻年二十四夫亡子一卒年四十四

周氏土畝村卓論妻年二十二而論故守節二子卒年七十二

海康縣志

卷之七 列女

三七

鄭氏禪妙村楊春魁妻年二十九夫亡子一名顯守節撫養娶媳梁氏生二孫顯又故姑媳孀守貞操共勵鄭氏卒年六十二梁氏卒年六十八

謝氏蘇樓巷陳騰淦妻年二十一夫故一子亦相繼而殤守節事姑越六年始得姪宗緒爲後又五年姑亡喪葬禮畢一意教子宗緒嘉慶辛酉科舉人氏卒年七十五

吳氏品題村卓之欽妻年三十夫亡守節子位中授職州同氏卒年八十三

陳氏下坑洪處村洪余苗妻生二子氏年二十三
余苗故甘貧守節撫孤長成現年八十八

鄭氏宋排村孫祥琦妻生一子氏年二十九祥琦
故家貧守節育子長成旣而子又先亡遺孫四人
困苦之遭不易其志現年八十九

譚氏山尾村何茂妻年二十九茂故守貧撫孤現
年八十三

陳氏南渡村游登科妻年二十五夫亡無子守節
現年八十三

林氏南山村余國魁妻年二十三國魁故遺腹子
君贊娶陳氏君贊又早亡陳年二十四與姑同守
林現年八十四陳現年六十三

吳氏東林村林上拔妻年二十三上拔故一子甫
九月氏食貧守節孝事翁姑子紹程監生現年八
十一

陳氏港西村黃克醇妻年二十九夫亡守節子一
現年八十一

吳氏夏初村馮肇堯妻年二十二肇堯故一子安

貧守節現年八十一

王氏

村梁文章妻年二十四文章故矢志守

節家貧事姑子一氏現年七十八

吳氏扶柳村柯桂性妻年二十四桂性亡無子矢

志孀守終養翁姑現年七十八

陳氏郡東門外貢生謝書思妻年二十一書思故

孀守侍姑撫夫從兄子爲嗣現年七十七

蔡氏演家村陳吾德妻生一子年二十九吾德故

家貧守節現年七十六

海康縣志

卷之七

列女

三五

陳氏博礼村貢生王敬泰妻生一子年二十九敬

泰故守節撫育現年七十五

郭氏莫塘村黃文璵妻年二十四文璵故長子甫

一歲遺腹生次子守節撫養現年七十五

李氏獲樹村勞中球妻年二十四夫亡守節事舅

姑子希益監生現年七十六

黃氏寶田村王有仁妻年二十四夫亡守節子二

次世典監生現年七十五

簡氏寶田村王有志妻年二十五夫亡守節子世

旺監生現年六十六

羅氏方家村楊繩定妻生子二氏年二十九繩定故家貧作苦奉姑撫兒現年七十四

劉氏白院村陳紹周妻年二十九紹周故矢志孀守子二現年七十六

林氏壹年村陳大訓妻生一子氏年二十三夫訓故以節自勵撫育孤子及子又先亡伶仃無依現年七十四

黃氏莊克振妻年二十六夫亡守節子一現年七

海康縣志

卷之七

列女

四

十三

陳氏山內村蔡秉桓妻年三十夫亡遺腹一子家貧守節現年七十三

陳氏英咸村林栽杰妻生一子年二十九栽杰故守節事姑撫孤成立現年七十三

李氏山古空村林光章妻年二十六光章故矢志守節撫孤長成現年七十三

林氏平原村黃克明妻生二子年二十六克明故守節事翁姑惟謹迨翁姑亡喪葬禮畢而次子殤

長子亦不永年氏惟與媳及孫朝夕相依遭逢困苦現年七十二

張氏田頭村豪文明妻年二十六文明故守節家貧紡績自給現年七十一

陳氏西洋村鍾建都妻年二十三建都故無子家貧作苦以事翁姑撫族姪爲嗣現年七十

鄧氏祿切村王朝秉妻生一子氏年二十五朝秉故守節撫孤現年七十

林氏鴨祿村黎烈朝妻年二十八烈朝故守節現年七十

海康縣志

卷之七

列女

三

陳氏方家村楊作楹妻年二十五作楹故守節勤紡績以養翁姑忍饑寒以畜孤兒現年六十九

楊氏金坡村黎駿炳妻生二子氏年二十三駿炳故守節事姑撫育孤子長子永正職員次子永超

監生現年六十九

林氏新村梁星炳妻年二十九星炳故無子守節事姑撫夫兒子爲後現年七十

林氏下坑村曹世烈妻生一子年二十八世烈故

家貧守節教子成立及子與媳又亡獨持家務撫
育三孫現年六十九

曾氏拔龍井古村周大偉妻年二十八守節男一
現年六十九

吳氏南坡村羅開世妻年二十四開世故無子甘
貧守節侍養翁姑現年六十八

曹氏品題村監生卓之振妻年二十九之振亡守
節現年六十八

陳氏白霧村王維和妻年二十五維和故無子矢
志孀守撫姪爲嗣現年六十八

張氏齋堂村曾狀猷妻年二十九夫亡守節子聖
符庠生現年六十九

譚氏夏初村馮駿妻年二十五夫亡守節子雲中
監生現年六十七

黃氏赤坡村鄭桂芳妻年二十五桂芳故無子苦
志孀居現年六十七

卓氏華亭村杜孔澤妻年二十九孔澤故守節撫
孤現年六十七

陳氏謝家村王朝墜妻年二十三朝墜故無子家
貧守節紡績營生現年六十六

莊氏龍董村潘江漳妻年二十七生一子江漳故
守節撫孤現年六十六

陳氏橋西村鄭京禧妻年二十京禧故無子家貧
守節辛苦操作以養舅姑現年六十六

王氏方家村楊寔芳妻年二十七寔芳故遺腹一
子苦節侍養俯仰盡瘁現年六十五

鄭氏郡南關外李鳳幹妻年二十一鳳幹故家貧

無子苦節侍姑撫族姪爲嗣現年六十五

蔡氏大房村姚大紀妻年二十五大紀故遺腹一

子守節育子期於成立子光甲庠生現年六十五

陳氏官慕村王汝昌妻生一子年二十四汝昌故

家貧守節勤已恤孤現年六十五

唐氏周家村朱秉哲妻生一子年二十四秉哲故

守節事孀姑存沒盡禮現年六十五

李氏西田上村王統國妻生一子氏年二十五統

國故守節事寡姑現年六十四

黃氏黃桐村陳朝勳妻生一子氏年二十六朝勳故矢志侍養迨子又亡惟與穉孫相依現年六十四

張氏將軍村陳朝綱妻生二子氏年二十八朝綱故甘貧守節現年六十四

鄧氏田頭村林滋奭妻年二十九滋奭故無子守節現年六十四

吳氏鶯感村增生官震妻年二十八夫應試卒於省無子氏奉翁姑惟謹姑多病氏侍湯藥不懈庶出弟震甫五歲翁姑相繼逝氏撫庶弟以承先祀

海康縣志

卷之七

列女

四

現年六十四

鄭氏塘邊村李東甲妻年二十三東甲故無子家貧守節撫姪爲繼現年六十三

鄭氏房叅村黃元謹妻年二十九元謹故娶居謹肅終養翁姑撫孤長成現年六十三

陳氏肇攬村卓俊价妻年二十三俊价故無子甘貧守節紡績延生現年六十二

周氏吳蓬村吳士傑妻年二十三士傑故無子守節事翁姑現年六十二

韓氏坑頭村李時昌妻生一子氏年二十一時昌故孀守撫孤現年六十二

戴氏安園村鄭啟智妻生一子氏年二十七啟智故守節育孤現年六十一

鄭氏赤土尾村曹大亨妻年二十八大亨故矢志孀守勤事翁姑現年六十一

張氏那龐村龐昭龍妻年二十四生一男甫六月而夫亡守節撫孤現年六十一

黎氏烏石埠徐朝福妻生一子年二十九朝福故

海康縣志

卷之七

列女

五

守節撫孤現年六十一

陳氏官塘村唐文闈妻年二十二夫亡遺腹一子守節撫養現年六十一

王氏角頭村鄧位奇妻年二十六夫亡守節終事翁姑現年六十

莊氏方家村楊作棧妻年二十七夫亡甘貧守節仰事俯育惟仗婦功現年六十

張氏鵝感村官式槐妻年二十八式槐故遺腹一子家貧紡績自給時爲隣舍代井臼之勞以度日

終事繼姑現年六十

潘氏內山村黃敬書妻生二子氏年二十八敬書故家貧守節現年六十

沈氏仙脉村林廣墜妻年二十七廣墜故家貧無子茹苦守節立繼以延夫嗣現年六十

潘氏題橋村宋寔宦妻年二十六寔宦故孀守撫孤現年五十九

劉氏東山村許文昭妻生一子年二十四文昭故守節撫育孝事翁姑現年五十九

海康縣志

卷之七

列女

吳

程氏后湖村陳士楨妻年二十三士楨故遺腹一子守節事翁姑撫孤成立現年五十九

吳氏田河村李世臣妻年二十三世臣故守節事翁姑葬殯盡禮現年五十九

王氏鵝感村官聖度妻生一子氏年二十五聖度故家貧勤女紅以自給甚至拾穗餬口族人憐其苦與之升斗必有處而後受之現年五十八

鄭氏溪東村黎建朝妻年二十六夫亡守節現年

吳氏后朗村林大選妻生二子年二十四大選故
守節撫育現年五十七

黃氏墨金村吳時中妻年二十三時中故遺腹一
男守節撫育現年五十七

吳氏華亭村杜陵斗妻年二十八夫亡守節事翁
姑撫孤子現年五十七

蘇氏土圍頭村鄭安禮妻年二十一安禮故遺腹
一子守節事親育子成立現年五十七

周氏許產村吳大卿妻生二子氏年三十大卿故

矢志孀守現年五十七

曹氏東坎村官文烈妻生一子氏年二十二文烈
故守節撫育孝事翁姑現年五十六

劉氏東倉村陳有訓妻生一子氏年二十二有訓
故勵志孀居現年五十六

符氏杜陵村吳鴻誥妻生一子鴻誥故年二十四
食貧守節現年五十六

陳氏平原村黃有章妻年二十八有章故守節事
姑于二氏現年五十六

林氏大埔村生員鄭鵬妻生二子氏年二十七而鵬故安貧苦節紡績營生現年五十六

周氏黎郭村莫文妻年三十文故勵志守節子一現年五十六

郭氏平步村吳聖禮妻年二十五聖禮故安貧守節子一現年五十六

沈氏函頭村陳義妻生一子氏年二十九義故清操自矢現年五十五

楊氏下嵐村鄧明鑑妻生四子氏年二十九明鑑

海康縣志

卷之七

列女

哭

故守節撫孤現年五十五

鄭氏榮身村辛立絕妻年三十立絕故矢志孀守敬事翁姑子有勤國學生氏現年六十四

廖氏那穩村陳世俊妻年二十三夫故勵志守節子一氏現年五十五

吳氏昌金村勞大魁妻年二十四大魁故無子守節事翁姑以姪承祀現年五十五

馮氏 村周世傑妻生一子氏年二十五世傑故勵志孀居現年五十四

馮氏下坑洪處村洪景升妻年二十八夫亡守節
子二現年五十四

蕭氏南江村王廷槐妻年二十五廷槐故遺腹一
子勵志孀守現年五十四

謝氏頭角村麥天錫妻年二十九天錫故廿貧守
節事舅姑撫孤兒現年五十四

方氏調賢村鄧王衡妻年二十五王衡故孀守撫
孤現年五十四

官氏東洋村郭永增妻年二十八永增故遺腹一

子守節撫育現年五十四

姚氏田頭村吳姬綿妻年二十八姬綿故無子矢
志孀守夫之弟妹婚嫁皆其經理現年五十四

姚氏邁坦村梁漢妻年二十六漢故矢志自守紡
績自給子一氏現年五十四

韓氏烏石埠陳居德妻年二十三居德故無子清
節自守撫姪爲繼現年五十四

吳氏上山村曾聖儒妻年二十三聖儒故無子守
節侍養翁姑現年五十四

吳氏高橋村黃麟角妻年二十一麟角故遺腹一子矢志撫養現年五十三

李氏北勞村黃子拔妻年二十三子拔故一子越歲而天氏事翁姑惟謹以夫兄子元升繼之元升又故遺孫三歲氏與媳相依人稱苦節現年五十三

李氏潮頭溪村陳孟珩妻年二十八夫亡守節以夫兄之子爲嗣現年五十三

蔡氏北勞村黃子适妻生一子氏年二十三子适故守節事耄翁現年五十三

海康縣志

卷之七列女

五

周氏韵家村劉國昌妻年十九國昌故遺腹生女家貧守節侍養翁姑撫姪爲夫後現年五十三

黃氏山內村蔡洪勳妻年三十洪勳故孀守事寡姑子而新監生氏現年五十三

丁氏連村庠生劉有翼妻年二十九有翼故孀守事祖翁及孀姑子大勳監生氏現年五十三

葉氏北溝坑村鄧位清妻年二十五夫亡守節勤事翁姑現年五十一

周氏深坳村楊世芳妻年二十二生一子甫逾月

而世芳故守節事衰姑撫穉子現年五十三

蔡氏邊斗村沈涼淑妻年二十九涼淑故甘貧守節養姑育子現年五十三

徐氏袍祿村陳時達妻年二十七時達故孀居自守終事翁姑現年五十三

林氏新家村郭咸寧妻生一子年二十六咸寧故家貧孀守女工自給現年五十三

陳氏那宛村吳玉份妻年二十四玉份故無子姑得沉疾氏親侍湯藥晝夜不倦比姑卒侍老翁益

海康縣志

卷之七 列女

五

謹以姪爲已子四歲而殤仍俟弟後產撫以爲繼現年五十二

陳氏宋排村邱鴻星妻年三十鴻星故苦志守節子一氏現年五十二

陳氏內巷村謝元璧妻生一子氏年二十夫故勵志孀守現年五十二

楊氏后坑村蔡廷珍妻生子二氏年二十四廷珍故守節事疾姑現年五十二

王氏洪客村吳見猷妻年二十二生子甫數日見

猷故甘貧守節撫孤長成現年五十二

梁氏中間坑村李恒升妻年二十四恒升故無子立兄子兆鶚爲後以兆鶚雙月從九品封太孀人現年五十二

林氏尾田村吳振琴妻年二十四振琴故無子守節立族姪爲嗣現年五十一

方氏安園村黃雲卿妻年二十九雲卿故守節無子撫夫弟之子爲嗣善事翁姑姑老且疾朝夕躬親扶持久而無倦現年五十一

海康縣志

卷之七

列女

五

吳氏山尾村陳克昌妻年三十克昌故無子矢志侍親抱姪爲嗣現年五十二

姚氏下寮村張國平妻生一子氏年二十六國平故矢志撫育現年五十一

李氏扶茂村翁心敬妻年二十二心敬故遺腹一子矢志孀守事繼姑撫孤子現年五十二

陳氏溪東村李東元妻生一子而東元故氏年二十四守節撫孤紡績以存活現年五十二

車氏邊竹塘村黃色顯妻生一子年二十六而夫

故守節事翁姑現年五十八

林氏博仁村宋景燦妻年二十七夫亡立志孀守事姑訓子現年五十八

林氏山尾村監生蘇蘭妻年二十九生一子未滿月而蘭亡守節娶居事姑教子現年五十八

柯氏步尾村林朝進妻生二子氏年二十八夫故食貧守節現年五十八

宋氏草市村吳德明妻年二十九夫故甘貧守節事姑現年五十八

海康縣志

卷之七

列女

聖

黃氏備貴村陳標榜妻年二十六而夫亡守節事養現年五十八

黃氏蘇含山尾村陳居睿妻年二十三夫故遺腹一子孀守撫養現年五十八

柯氏下坑洪處村洪文超妻生一子年二十七文超故守節撫育現年五十八

符氏英豆村林有谷妻生子周歲年二十四而寡守節撫孤現年六十三

卓氏石山嶺村莫汝則妻年二十四夫亡立志守

荀現年五十五

洪氏祿切村王璵妻年二十三夫故矢志靡他撫孤成立子承祖安徽試用縣丞氏現年六十三

補遺

廖氏杜陵村吳學上妻年三十夫故遺腹一男孀居撫育敬事衰姑子登史廩生氏卒年六十三
陳氏窑上村黃大彰妻年二十六夫故矢志孀守撫育孤兒子自解庠士氏卒年七十八

莫氏窑上村黃文炳妻年二十一夫故冰霜勵節

康縣志

卷之七

列女

五

辛勤撫孤子錦江武生氏卒年五十二

李氏橫山村袁之笑妻貢生袁日新媳庠士李時升女年二十二夫故矢志孀守敬事翁姑撫夫兄子爲嗣現年五十

陳氏尾窑村川式南妻年二十夫故遺腹一男矢志孀守孝事翁姑現年五十

高氏符村宋基繩妻孝廉允申孫媳年二十基繩故遺腹一男矢志孀守事姑教子現年五十

貞孝

林氏坑尾村攀雲女康熙庚午歲年方十四兩兄連亡父母無依以奉親自任父病求神藥許以身代及父母卽世營葬畢移居廬墓誓不適人卒年七十四乾隆十五年旌表

吳氏潭葛村絳緇女許字王家子年十四王家子亡凡有媒談及婚事輒欲自縊母問其故曰父母生我未有兄弟視女猶男也何忍去之於是自持門戶定省不愆於儀年未四十而卒

貞烈

康縣志

卷之七

列女

五

黃氏提統村人受李果春聘未字而果春死氏年甫十八欲奔喪父母力阻之哭幾絕兄嫂慮夜間有變集諸姊妹燈下與之談氏亦強顏酬答諸姊妹旣就寢氏乘間引繩自盡李家迎其棺與果春合葬棺齊到葬地俱有聲響聞者莫不驚異

莊氏坡仔村允溫三女少字仝社顏叟子嘉慶三年叟子卒潛哭減食至五夕自整衣履投繯而死顏家迎其柩與子合葬焉

附錄

案節烈門以年例不合而遺棄者尙多以二氏實爲鄉里所喧傳故錄存之

黃氏君顯女馬鐵子村陳世傑聘妻年十七世傑故聞訃備喪服以往父母阻之不得奔治喪葬事畢杜門守節現年四十二

招氏遂溪建侯村招某女許字海康樂只村監生蔡鍾璧子國平氏年十六國平故聞訃欲奔喪父母阻之不得送至夫家氏撫棺痛哭葬事畢孝事翁姑親鄰妯娌未嘗見齒惜苦節九載而卒

壽婦謹案會典開載壽民均以百歲爲準又有丁息保連問准作百歲之案今遵之

陳氏官和社六角井村邱以養妻和順端謹壽年